

Daxboh Maez Saw

书迷爸爸

Daxboh gou gyaез doeg saw, daxmeh mбangj seiz gangjriu naeuz daxboh dwg “bouxmaezsaw”, daxboh cungj dwg riunyumnyum naeuz: “Ndaw saw gag miz ranzgim, ndaw saw gag miz saulengj……” Gij goj daxboh maez doeg saw lai lo, couh naeuz gienh saeh cei q gyawj ba!

Baezhaenx, daxboh ndaej cek saw moq de gyaез raixcaix ndeu, dan raen de fwngz gaem cek saw, angqyangz ndaej diuqyetyet, lumj boux lwnyez vuenheij nei, ciep roengzdaej raen de naengh youq gwnz sahfaз, siujsim lili biengj saw le, yinxsubsub dwk yawj hwnjdaej. De yaep ndeu bwncaez nyaeuqnyat, bwncaez song mbiengj cungj yaek dep doxyawj lo, lumjbaenz cingq naemj, youh lumjbaenz cingq you gijmaz; yaep ndeu youh riuhaha hwnjdaej, lumjbaenz gip ndaej gijmaz dijbauj; yaep ndeu youh gag nambetbet: Caeuq gou naemj doxlumj ha……Daxboh cungj lumz seiqhenz liux, gou gvaq henz de cungj mbouj rox.

Mwhneix, daxmeh cingq cawj haeux, de yaek ok rog bae cawx doxgaiq, couh doiq daxboh naeuz: “Bakcauq cingq cawj haeux, mwngz yawj di, gaej deng feiz maej rek lo!” “Ndei, ndei!” Daxboh gyaеuj hix mbouj ngiengx dapwngq naeuz. Gij saenzcingz de lumjnaeuz cingq dap vwndiz daxmeh, youh lumjnaeuz cingq caeuq vunz ndaw saw gangigoj, daxmeh mbouj cuengqsim, youh daengq baez moq cij cuengqsim okbae. Daxmeh ngamq okbae, daxboh youh daj bakcauq naengh daengz gwnz sahfaз “henx” cek saw de lo. Seizgan faen ndeu miux ndeu gvaqbae lo, mwh daxmeh gipgip muengzmuengz gaex dou haeujdaej, ngamq daengz bakdou couh nyouq daengz raq hei q remj ndeu, “Mbouj ndei, rek remj lo!” Daxmeh sing sang hemq, sam yamq guh song yamq cung haeuj bakcauq bae, caen dahraix hei q remj couh dwg daj ndaw rek cien okdaej, yawj, ndaw rek gaenq ndaemndatndat, ngaiz hix deng cawj ndaem liux, baezneix daxmeh



caen hei qndat dangqmaz, mwh cingq naemj ndaq daxboh, cix raen daxboh lij roengzsim yawj saw, mbouj rox baenz saeh maz lo.

Mwngz yawj, neix couh dwg daxboh maez saw gou, de mbouj dan guh ok gij yienghndei gyaез doeg saw hawj gou, caemhcai q lij ciengzseiz lwnh gou gij neiyungz mizyinx ndaw saw, gou gyaез daxboh raixcaix, gou daengzcog hix yaek lumj de ityiengh guh boux maez saw iq ndeu, lai rox saw rox sa, yungh daengz ndaw ndwenngoenz bae.

(Giz Giz)

Lingz Rox “Dajgiep”

会“打劫”的猴子

Bineix gyajseizndat, daxmeh daiq gou bae Byagenzlingzsanh youz. Caeux couh dingqnyi gizneix miz haujlai lingz, hoeng gou caeuq daxmeh itloh daengz dingbya, hix mbouj raen ngaеuz lingz, cij doeknaiq coh dinbya byaij roengzbae.

Gou dawz bingz raemxyinjliu ndeu okdaej, cingq gwn dwk yinx dangqmaz, sawqmwh dingqnyi nyefaex yiengj “vava”.

“Va, vaiq yawj, lingz daej lo!” Duz lingz iq saekhenjeq ndeu, da youh hung youh luenz, yiengh dwggyaез raixcaix, dan raen de riengjret diuq hwnj ganj faex, swnh vunz mbouj haeujsim youh diuq daengz ndaw gyoengqvunz bae, byaijndogndog depgaen dou, mbouj lau saek di. De sawq lumhlumh bingz raemxyinjliu ndaw fwngz gou. Ngiengx gyaеuj yawj mbat ndeu, swnh gou mbouj haeujsim, gaemdawz bingz raemxyinjliu ndaetndaet bae. Gou hix gaemdawz aen bingz ndaetndaet bae, mbouj nyiengh.

Song dou cungj mbouj nyiengh. Lingz iq gingqyienz miz di mbouj naihanz lo, swenj “au au” song sing, lumj cingq naeuz: “Vaiq hawj gou ba!” Gou sim baez unq couh cuengq fwngz lo, de angqyangz coh gou baet rieng. Lingz iq got dawz bingz raemxyinjliu, “vah” mbat ndeu diuq haeuj ndaw ndoengfaex bae.

Gou laihnaeuz de rox baenq



fabingz, naemj mbouj daengz de got bingz henx daejbingz, gingqyienz henx ok aen congh iq ndeu, raemxyinjliu daj congh iq lae okdaej. Lingz iq cieп haeuj bak bae, ndoetgyatgyat. De doq ndoet doq singjaeh yawj seiqhenz, lauhei q gij “doxgaiq hingz ndaej” bonjfaen deng bouxwnq ciengj bae. Yiengh de caen lumj boux lwnyez mbouj roxsoq nei, hawj vunz nyaenx riu mbouj ndaej.

Yienznaeuz deng lingz “dajgiep” lo, gou cix angqyangz dangqmaz. Mwh gou sij mbouj ndaej lizhai, lingz iq lij coh gou baet fwngz doxbiek!

(Gvangjdungh Swngj Sinhcin Si Bingzsanh Saedniemh Hagdangz Yenz Cinzyij)

Cang Gyaqsaw

装书架

Singhgiz sei q banringzgvaq, aen gyaqsaw Vangz lauxsae youq gwnz muengx cawx haenx dauqdaej daengz lo.

Vangz lauxsae riu naeuz: “Byawz nyienh caeuq gou itheij cang gyaqsaw ha?” Luz Yidungz、Cangh Yisoз、Cuh Sih caeuq gou gag ndwn okdaej byaij coh gyangjdaiz. Daihgяa cek hai siengceij, yawjraen baihdaw miz bo benj、dietdiuz、dingluxsae hung

iq mbouj doengz ndeu. Dou boux yawj boux, mbouj rox baenzlawz guh. Seizneix, dan raen Vangz lauxsae dawz soujgih okdaej riu naeuz: “Gizneix miz sibinz son cang, gyoengqsou ciuq baihgwnz baenz bouh baenz bouh bae cang gyaqsaw.”

Dou humx dwk nyinhcaen yawj soujgih, ngamq yawj baez ndeu, daihgяa couh caj mbouj ndaej cang hwnjdaej lo, yaep ndeu gyaqsaw couh raen baenz yiengh lo, sawqmwh, Vangz lauxsae yawjraen gai q benjgek cang fanj lo, caen dwg “bouxcoengmingz cien naemj, goj miz baez saet” ha! Yienghneix daihgяa ganjmuengz lid benjgek roengzdaej dauqcungz cang ndei. Dauqdaej, gyaqsaw gyaеu—ndei cang ndei lo. Vangz lauxsae haen dou caen ak!

Gyaqsaw cawx moq mbouj—dan gaijgez le aen vwndiz cuengq saw, caemhcai q duenhlien le gij naengzlig yawj doz、naengzlig naemj caeuq naengzlig doengh fwngz dou dem, caen dwg mbat banhfap ndeu ndaej lai yungh ha!

(Gyanghsuh Swngj Haij—mwngz Ginghci Gisuz Haifat Gih Siujyoz Ciz Swjhangz)

